

# FLOREAN DAL PALAZZ

## AL SALTE FUR LA JOIBE

A CINQ CENTESINS IL NUMAR. -- BÈZ SUBIT

Si vend a la libreria L. Ferri, all'Edicole e dai Tabachins in Marciatvieri, in piazze Contarene e S. Bartolomeo.

### Abonamens:

Par un An quatri francs; par 6 mes doi francs;  
Par l'estero il dopli.

### Inserzioms:

Intindisi cu la Redazion: Mandà letaris al sempris  
indirizz: *Aminist. Florean dal Palazz - Udin*

## FLOREAN DI CA E DI LA.

Doi amis che si clamin Pieri e Bepo, propit come i muinis dal domo, s'incontrarin fur de puarte di Puscuell, là di Morett, a bevi la bire, quand che Pieri al fasè a Bepo cheste confidenze:

Tu savaras che zà pos diis o hai lassade la morose: — Po fa il diaul! une fantate cussi buinel che a jè simpri in glesie! e che il plevan la ten par l'esempli de parochie. Ce isal stat? No voress che cun tante santimonie ta l'avess petade?

No, no, al dis Pieri, o saress un mostro se o vess il coragio di dubità da la so onestat, in quant che ance cun me, che vevi di sposale, che il diaul mi puarti, se in un an e miezz o hai podut dai quatri o cinq bussadis, e ance chestis in scuindon e cun la esprese declarazion, che tal doman saress lade a confessasi.

Volevi ben di. Ma dunca ce diaul isal stat di miezz? bute fur!

Eco dutt: Miarcus passat, come il solit, soi stat a ciatale, e vevi ance il pinsir di fissà la zornade par sposale, e quindi mi jeri ance mitut in gringule par fai cheste declarazion. So mari, e so sur e jerin cun noaitris tal tinel, e dopo un poc di timp cheste benedete morose no stave mai ferme, si zirave, si messedave e metevè lis mans sott il grumal. Jo o osservavi dutt chest cun maravee savind ce tant modeste, che Margarite e jè simpri stade, quand che, jèvade in piis, i viod di sott lis cotulis un cordon, abastanze sporc, che cun dute premure e cirive di squindilu. Ma jò che o credei di vè abastanze autoritat sore di jè, gli intimai di mostrami cheil che veve fra lis mans. Jè no, jo si; ma infin dai fass o hai podut fami paron dal cordon, o cuarde che si q di, e domandai ce strument che al jere cheil.

Un poc vergognose, un poc cun ajar da pofardio mi rispuind che jè si è fate *Verziarie*, e che la

cuarde al è il cordon di san Francesch. Jo o restai di clap al sinticheste storie, e i fasei osserva che o intindevi di sposà une fantate onorade, come che simpri ti hai stimade, e no une *muine*, une *Terziarie*. Jè si sfadiave a persuademi che si pòdeve cumbinà e chest e cheil. Ma se ti plas a ti, no mi plas a mi. Ce dal diaul ti pensistu? Figuriti, se mai jo uei viodi che *robe sporce*, quand che cul sant matrimoni fatt in glesie, e confermat in Municipi, jo o sarai paron di te, e tu parone dime. Il plevan dal Carmine in Oatechismo al ha dit che il Sacrament dal matrimoni al è un sacrament come chei altris diis, anzi che al è il plui grand dai Sacramens, e che la spose devi sta sogete al marit; quindi jo o comandi e o uei che tu la butis vie che cuarde altrimentri..... E ce vorestu di? — Altrimentri sares ance bon di lassati. — Fas cheil che tu us, ma la cuarde la tignarai simpri, cussi hai olut, cussi o hai promitut, e cussi e sarà. Ma sint Margarite, cui dal diaul puedia suggeriti cheste matetat? Tu sas che jo ti hai simpri respetade e che il nestri amor, magari dugg lu imitassin. Ma sintimi un poc; cemud ustu che il miò cuarp sei to, che la to anime sei me cun cheil negozi intor? Prime di dutt l'è sporc e jo o sai che un brav plevan al sugerive a dutis lis sosis di jessi simpri netis denant il marit; e poi, dopo che il plevan di Plev. di Rose si è piciat cul cordon di san Francesch, sfidi jo cul pinsir de la muart di là dongo une femine, par bieie che sei! No, no, par ciariade che foss la pistole, si saress sicurs che scroccares. E alore ce bieie figure che si fares.

Insume a lis curtis: o ju il cordon, o il nestri amor al è rott. — Ma jo no lasci la cuarde, e jo ti lasci te, e cussi o soi lat vie de morose, e dopo sis diis, ustinade come une mule, mi ha fatt di che la cuarde e jè il vòt, il so desideri, il so fin, e jo i hai mandat a di che la cuarde e jè par picia la int tant l'è ver che il proverbio al diis, che *in ciase di un piciat no si devi fevelà di cuarde*,

che leat cu la cuarde, l'è istess che jessi menat in preson, e che dutt al plui il manco mai de la cuarde al è chell che serv a tirà lis ciampanis, o par distindj la biancariè, e che jo no uel cuarde intor la me femine par no jessi strangolat, e ne la so matetat viodile un biel di piclade al soft de ciampara.

Eco la me storie: Dimi Pieri ti hai fatt ben o mal? — Tu has fatt benon, e l'esempli che al servi a dutis ches matis che come Margarite e crodin di fa maraveis cul cordon di san Francesch. Che li fantatis e sein buinis, doleis di cur, e non cur fotis, che no valin se non pai stupiz e par falis diventà matis e tristis e ustinadis. Duncè? Concludarai cul Vanzeli: Qui che po ciapà ciapi, e un altri al disève: Cui che po capi capisci!

## DISAVENTURIS DI FLOREAN

Cialait mo, i diis disaventuris, ma in realtat l'è un poc di duti, di biei, di brutt, di bon e di ciativ, insume robis che tocin al vis plui che al muars.

Furlans, come si fasial a divertissi i ultims diis di carneval quand che lis sachetis son frujadis in cause dal continuo esercizi des mans che vadin fur e dentri, e che si ha une voe mate di bala, saltà e fa baldorie?

Robà, no torne cont. Alore impegnà o vendi alc che nol fas plui di bisugne.

L'orloj lu hai d'imprestitt, po dopo se anco o fos proprietari, nissun mi daress un boro par pojassai sul stomi. Di tabar, no si discor, parcéche sicome chest unviar ogni tant mi si pojave une coltre di un candor sorprendent su lis spalis, Marie Luigie cu la scuse che veve ciapat une fredure sul bass de panze, e ha pensat ben di jevami l'incomud cui metisi jè su la panze che coltre.

Induvinait mo, che il ciatami i ultims diis di carneval senza un bagatin, mi avilive. Ma, come si fasial, bisugnave co mi metes lis mans intor a cirl qualbli mud par fa o ciatà bez.

Dopo che la hal rote cun Mario Luigie jè land vie di me, mi ha lassat paron di ciase. Jo po, nè une robe, doman che altre, voi vie vendind dutt.

Apout i ultims di carneval mi saltà tes mans la frizorie, che Marie Luigie no veve ancimò screade, il qual oget t'un moment l'ha ciatat un altri paron.

Naturalmentri, cun chei bez prime di dutt hal pensat di comprà la mangiative pe zornade cioè: ris, sponge, formadi, zucar e caffè.

Par maledizion, quand co jeri par tornà a ciase, cul miò fagott impirat su pal brass, m'intopai in t'un e las t'une ostarie in poc timp jerin completamentri cremas,

Seben in ciativ stat pur procuravi di tornà a ciase, ma invece l'infid ami mi strascina su la fieste di bal.

La po, si scomenzà a bala e saltà come danas in mud che la cioche jere diventade tant potent che no mi visai plui nè de ciase, e nance dal fagott impirat tal brass, in mud che baland, saltand come un danat cul miò ami, petavi pe muse, pe schene a la int è pal mur il puar fagott.

In t'un moment di ripos, cialai che il fagott al jere diventat dutt un paston. Cialai dentri... la... dio ce oror! Ris, sponge, formadi, zucar e caffè, dutt, dutt un pastel insieme.

Mentri contemplavi e o pensavi su le me disgrazie, mi capita sott i voi chell che mi ha comprade la frizorie, il qual ciapanmi pal stomi mi sunà chesti peraulis:

— C'hal disi sior, la frizorie che mi ha vindude l'altre di la ciatai sbuzade, sal.

— No, benedet de madone, i puess zura che, nè jo, nè Marie Luigie no la vin mai tocide.

— Insume, se no la ha sbuzade lui, la vara sbuzade un altri, il fatt al sta che la frizorie spand in cunseguenze di chest, no val plui chei bez.

— Sì, cumò che la ha doprade, al oress che la ciolesse indaur.

— Se no si combinarà nujè, voi a ciolile, e jè sfreolarai pe muse, sal.

Insume hai dovut prometi di justassi in altre di par no fa nasci bordel su la fieste. Cussi soi lat a ciase stuf e strach come un muss.

L'ultime domenie po, par economie, anzi par scoconarie soi lat su la fieste vistut di femenate.

Hai une corporature unment carnose, giambis da fa invidie a plui di une sartorele, e dutt il nest relativ, salvo ecezions.

Al miò prin entrà su la fieste, la int, sciampave come dal diaul; ma a poc a poc si fasè dunge un zerbinot, il qual l'ha la nomee di jessi gran conoscitor di feminis e che si vante par spiritos.

Chest al si sintà dunge di me, scomenzand a squadrarmi da ciav a pis, danmi dai palpons su lis cuessis domandand cui che o soi.

Mi contentai, a chest gran conoscitor di feminis, di mangiai un par di francs, lasanlu lui a boce.

Voi fur a spandi daur un porton, passe un omp, il qual vidi mi a sour vistut di femine i vigni che famose tremarole, e avvicinansi mi disè in venezian:

— *Viestu con mi, mascareta.* —

Jo, par fai passà d'un tratt che voe i disei in chell istess leugaz e cun la me vosate di ors:

— *El vadi a farse benedir.*

A chell no i ha ocbut altri.

Voi t'un altre fieste, a prin colp mi saltà aduess un personagio miò creditor, il qual baland mi ti gnive strett come che al mi ves cognosut e che al vess olut sciatojami.

Jo, puar omp, sudavi fred. No videvi l'ore di finì il valz e là a ciase.

Voi a cuot t'un'altra fieste. Là po il delirio al jere ai estremos. Ogni moment si videve pugn e blestemis pa ajar.

Mi sintai donge une mascarute, la qual ogni tant e faseve il so baleto senze visassi che a ciase un'bambin forsi al vaive la tete.

Cenonè, eco che la mari di cheste mascarute i quartavè il bambin a ore cussi tarde par che i des di tete. Jo a viodi ches sol lat vie pensand al biel quadri di une mari in mascare a dai di tete al so bambin su la fieste.

## CORISPONDENZE DI FLOREAN

Mortean, 7 marz

Floreaan miò ce astu fat, perchè no sestu vignut, tu has piardut une ocasion par divertiti che cui sa quand che tornarà la so compagne. Oh ce figure di fami, ta la has tu vude a mal par che ti hai mandat a di che no tu stessis a vigni joibe grasse? Benedet de Madone in che zornade tu vignivis di band, no tu podevis là tu, che recite jere destinade solamentri che par lis feminis, bragons là in che sere no entravin, solamentri che il sior plevan che no sai se al vevi giavat fur i.... bragons ance lui par no da scandui. Anzi par che tu mi crodìs o ti scrivaraì cull i manifest che vevin mitus fur. Eco, ches l'jere chell de prime sere:

Questa sera trattenimento musicale  
alle 7 1/2 Ingresso: I posti cent. 60, II posti cent. 40  
III posti cent. 20

Non si amettono le donne se non che accompagnate dai genitori o dal marito, e solamente nei I e II posti

siche une puare fantate che no veve i genitori no podeve là a l'opara, e nance se veve 20 centesins, ce bielìs regulis no mo?  
E ches po jere il manifest di Joibe grasse

Questa sera trattenimento musicale alle ore 7 1/2 per le sole donne. Ingresso cent. 20

Ise cussi o no isè, ce distu, ce ti parie, e ce progress co vin a Mortean. Ma sastu, ce onor che si han fatt, oparis di che sorte, ciants di che spezie, sunadors di cheste fuarze, tu pus crodì par impini l'orchestre al è stat anco un professor di Udin, no hai il ben di cognossilu al è un cu la barqe bionde al devi jessi al manco nevot di capelan, al sunave discretamentri il violin. Infat dut le lat ben. E han fatt un incass di doi mili e 300 francs sporchs, o crod che i resti nett di dutis lis

spesis, salvo il rest, 3 centesins, anzi han stabilit di metiu a la casse di risparmiò, e ca di un 60 mil agns fonda une societat. Il mal a l'è che han vut une vore di spesis, al levin 15 centesins par sere nome a un diretor di filande par che al les a tirà su il tendon, figuriti tu se podevin meti vie di plui. Intant a Mortean il progress al va inde-nant a batallòn, E vive Mortean cun dugg i siei liberali cu la code.

A proposit, mi dismenteavi che unmong di lor han dit che chell altri articol nol veve sal, e po-devin falu une vore mior.

Po lu sai jo Signor, e co no si po mò, co no hai il don di vè che ecco che han i ciants e dra-matichs di Mortean, lor si che scrivaressin mior, ma jo o fas chell co puess, massime dopo co hai vude che malatie des glambis o ha piardut dut il talent. Floreaan, jo piard cussi masse timp, dome-nie o ven a Udin, o vignaraì in persone e ti con-taraì a vos qualche altre ciossute, par uè lassin cussi, ti saludi e crodimi

Zinghinete

## DIALOGO

### FRA MIUTE E VIGIE STADIS IN TEATRO

Miute — Sestu stade a Teatro nosere, Vigie?

Vigie — Si jo fione.

M. — Ti hai plasut?

V. — Ce robonis fle, da quand che o soi al mond no hai vidut robis compagnis.

M. — Ma nance jo vè fle, o mi soi sumiade dute la gnott cun chei benedes.

V. — A disevin dutis ches che jerin la dreñti che nance a Udin no l'è un visto compagn.

M. — Po no la fè de che nissun a vidut robis compagnis.

V. — E perchè mo i siors ju lassavin entrà istess co l'jere il Teatro nome par oaltris e i con-tadins no?

M. — Stupide, parceche a lu diis il plevan cussì.

V. — Mate, i umin no sono dugg compagns?

M. — Ma ceustu che ti diis jo co l'ul, cussi li plevan ce astu di fa, astu di là cintri i siei ordins chell benedett.

V. — Tu has reson Miute, un omp compagn no si lu ciate, astu vidut in Teatro che i ha cridat a Luzie parceche jere vignude in streces e e cu la pigne.

M. — Là vut reson, e ul jessi la plui bieles.

V. — E a ti ce ti has dit quand che ti patafave la spale.

M. — Nuje, mi ha dit co vadi spess a confessami.  
V. — Ce bon signor.  
M. — Cjò, Vigie, e jere in Treatro ance la massarie dal plevan.  
V. — Po ise uaride?  
M. — Si fie, e dibot e murive, paure.  
V. — E murive, parcè?  
M. — Ma, e disin che i plasseve masse il pistuncu la ue, e han d'ha mangiat masse e i ha fatt malon.  
V. — Puarete, ma cumò sta di mior.  
M. — Sì, anzi e jè grasse cumò, come un bacalà.  
V. — Al ha ance une massarie lui, no mo?  
M. — Po sì, sì, fie, han coventin dos a lui.  
V. — Ma tant hai gust di une robe, vè Miute.  
M. — Di ce?  
V. — Che chest an no han balat ca.  
M. — Quiustu che balli, cun che stupide.  
V. — I siors po.  
M. — Po no ballin nance chei plui, han fatt la pás cul plevan, tu has pur vidut che jerin quasi dugg al Treatro.  
V. — E vere, alore i sunadors e puedin fa centesins di zucule tai strumenz.  
M. — Tant che uelin.  
V. — Al è mior sinti i cantuers che no dutis lis musiches di chest mond.  
M. — Jesu, Vigie tant timp co piard cull e hai dutis lis voris di fa a ciase.  
V. — Vela ca là sivilat la seconde volte, mi toeie di là ance a mi in filande.  
M. — A proposit di filande, ce bon omp ance il to paron di faus piardi un quart par che viodis il Teatro.  
V. — Nome il nestri, dugg fione.  
M. — Benedez sedino lor e il plevan.  
V. — Ben, mandi Miute.  
M. — Mandi Vigie.

## DA LA ZAE DI FLOREAN

In qualche pais mandin a viazà l'inzeignir municipal cun un assessor, par che imparin a fa il pedrat da lis stradis.

Faressin mior a fa vigni da lis villis qualche stradarul, za che l'inzeignir l'ha bisugne d'imparà cheil mistir. Nealtris no vind di chei bisugns, grazie Dio! Baste viodi il borg di Sante Marie, plui di dusinte metros lung. Là no l'è un ciaputt fur di lug. E jè qualche buse, sì; cioè l'è dutt plen di busis; ma chest no l'impuarte. Ance i ciavai e i muss san ciapà la volte par no rompissi lis giambis.

Ance a Rome han fatt il lor carneval, un ver carnevalon. Podin là cui ciav alt no Furlans, parceche la plui bieie figure l'han fate propri tre mascaris dal Friul. — Sango di diel o prest o tard al vegnara ance il di des elezions; vedarin, cui che al varà il coraggio di meti in plat i tre mocui.

Florean al rispuind a la letare di Cividat pubblicade Joibe passade, che nol ocoreve tant par savè ce razze di umin che influissin sul puar vescul. Hai vudis tantis letaris fii dal decembar tes quals mi si diseve che son chei conseirs istess di cheil altri; e mi ricuardi che in une letare mi si scriveve che un cialuni al prediciave in domo o *aghe sante o petrolo!* A chesg estremos si lassin traspuarta, come che si vess di pleassi a un madraec o ad altris siei compagna di glesie? Bisugne propri che nol sepi, che i umin no son plui come ai timp di s. Domeni, ma che invece si ciatarin come al novantetre. che ogni poc che secin i totanos nus stirin a dai une lezion, che sicuramentri no viarzeran la bocie mai plui; parcechè dugg e han imparat qualche ciosse e si son miglioras, mentri chesg sfazzas e uelinsida.

Discorind un moment de linee ferroviarie Udin Cividat, par di une me opinion, magari barocche, pur dirai che in ciarts pons, principalmentri donge i puiis, al miò voli ciati un lavor impossibil che, magari cussi no, sarà cause di plui inconveniens.

Sarà cause che, essind la linee ferroviarie masse a cich de postal, si spaventaran lis bestis.

Di plui po, la strade postal je tant strete che plui di qualche volte struciaran che colosse murae che divid la ferrovie da la strade postal.

## PUBLICITAT DI FLOREAN

A PAJAMENT

Nell'interesse del commercio!

Avviso interessantissimo!

LEGGETE, LEGGETE, LEGGETE

Presso lo Studio *Commissioni Rappresentanze*, Via della Posta N. 11, sono ostensibili, verso il pagamento di tenue tassa, tutti

**I protesti cambiari**

della città e provincia di Udine, nonché, per chi volesse, anche quelli di tutto il Regno d'Italia.

Rivolgersi a detto Studio personalmente. Per fuori spedire domanda, *franco di Posta*, unendo inoltre un francobollo di centesimi venti.

VINCENZO LUCCARDI, *diretor responsabil*.

Udin, 1884 Stamp. A. Montalbani